

元經薛氏傳一



Z 121
23481

元經
薛氏傳
一

王通撰

中華書局

Z 121
1
3482

60487

元經薛氏傳 二

王通撰

中華書局

叢書集成初編

元經薛氏傳（共二冊）

中華書局 出版發行

（北京王府井大街三十六號）

秦皇島市資料印刷廠印刷

一九九一年北京第一版

開本：七八七乘一〇九二毫米三十二分之一

統一書號：ISBN7-101-00894-1/K·367

元經薛氏傳

此據漢魏叢書本
排印初編各叢書
僅有此本

元經薛氏傳序

元經始晉惠帝終陳亡。凡三百年。蓋聞夫子曰。春秋一國之書也。以天下有國而王室不尊乎。故約諸侯以尊王政。以明天命之未改。元經天下之書也。以無定國而帝位不明乎。徵天命以正帝位。以明神器之有歸。又曰。春秋抗王而尊魯。其以周之所存乎。元經抗帝以尊中國。其以天命之所歸乎。然帝衰於太熙。故元經首此振起之也。中國盛乎皇始。故元經挈名以正其實。嗚呼。天下無賞罰三百載。聖人在下。則追書褒貶以代其賞罰。斯周公典禮。使後王常存而行焉。仲尼筆削。使後儒常職而述焉。收受經於夫子。何足以究其潭奧。輒爲傳解。發明師訓之一二云。唐河東薛收撰。

識

右元經十卷。通考本十五卷。晁氏云。隋王通撰。唐薛收傳。宋阮逸學。起晉惠帝太熙元年。終於陳亡。而崇文無其目。疑逸依托爲之。陳氏云。按河汾王氏諸書。自中說之外。皆唐藝文志所無。其傳出阮逸。或云皆逸僞作也。此書始得於莆田。本三卷。止晉成帝。後從石林葉氏得全本錄成之。今叢書本雖止十卷。而自九卷已書陳亡。其第十卷終文中子卒。爲續書。洵全本也。但前數卷文字。殊多脫誤難讀。至第八卷。元嘉二十二年。經書冬十二月。范曄反。伏誅。而其傳文於刪衆家後。漢書爲一家之言下。忽接徐湛之。則無以謝天下。乃敍元兇弑逆。事在元嘉三十年。中間相距八年。經傳文俱全脫。此則不知所據何本也。自武帝孝建元年後。惟卽位改元。禪篡大事始書。餘俱不書。此元經本例。然亦不知於春秋之義何居也。今姑仍叢書舊本。校刊補闕之任。我則不暇。汝上王謨識。

元經薛氏傳卷一

隋王通經

薛收傳

阮逸註

南昌袁絢校

〔經〕晉太熙元年春。帝正月。武帝太康十一年。惠帝即位。改太熙元年。又改永熙。夏四月。立太后楊氏。賈氏爲皇后。五月辛未。葬武皇帝。丙子。太傅駿輔政。秋八月壬午。立廣陵王通爲皇太子。以何劭。王戎。楊濟爲師傅。冬十月。石鑒爲太尉。隴西王泰爲司空。屯兵四出。

傳曰。經者。正也。常也。天以南北爲正。聖人以典禮爲常。皆謂之經者。天人相與爲法也。經。取天之正爲本。聖人以常爲法。晉者。司馬氏始封之國也。帝自晉王受魏禪。故國號晉。司馬宣王。河內溫人。溫。晉地也。故啓封。太熙。年號也。帝謂惠帝也。文中子曰。帝之不帝久矣。秦兼三皇五帝。而傳非其道也。尊虛名而已。故曰不帝。聖名索實。此不可去。春秋書王。所以尊周也。元經書帝。所以正國中。改元立號。非古也。古者國君始即位。則稱元年。無改元之禮。自漢有初元中元之號。後世因之。此亦不去。其於彼必自作之乎。後漢自作年號。不必盡取古。故書年號。帝稱名。沿漢舊制也。經書晉者。本中國號也。太熙元年。帝正月者。存舊制也。元皇帝。司馬氏。太康十一年四月崩。是月。惠帝立。經書帝而不書即位。微旨也。曷謂微旨。曰。春秋之法。隱。莊。閔。僖。皆有故。不書即位之禮。或讓而不爲。公羊傳曰。隱公讓桓之意。或痛而不忍。穀梁曰。先君不以道終。是以不書即位。或亂而不成禮。左氏曰。閔公不書即位。亂故也。或出而闕書。或踰年而追書。左氏曰。僖公不稱即位。出故也。昭公薨於外。定公踰年追行即位之禮。史亦追書也。晉惠不書即位。與魯諸侯異焉。曷異爾。曰。春秋者。因諸

侯之史作焉。故公卽位皆稟命於王。有所不書。則禮有所不至也。元經因天子之史作焉。帝卽位。皆受命於天。有所不書。則天有所不與乎。故仲淹亦不與其卽位也。不與奈何。曰。惠帝君不君。政出多門。天下由茲大亂。雖嗣位猶無位乎。故不書卽位。元經之微旨也。言元經因惠帝不君。所以作也。不明貶。故微旨。楊氏者何。曰。武帝元楊后之妹。謂之悼。楊后無子。元楊后生惠帝。早亡。惠帝卽位。尊悼后爲皇太后。書曰。立太后楊氏禮也。先書立太后。言天子必有后尊也。後云楊氏。言推恩及親也。賈氏充女。初武帝將娶衛瓘女。而楊氏欲娶賈氏女。遂以爲太子妃。武帝憂太子不慧。試以疑事使決之。賈氏令給事張泓具草。使太子寫答。武帝悅。至是政由賈氏。天下亂矣。書曰。賈氏爲皇后。猶言賈氏自爲之也。不言立。非惠帝立之也。武皇帝四月崩。五月葬。譏速也。周制。天子七月而葬。同軌畢。至言天下會葬。有不至則禮不備。凡未及期而葬。謂之不懷。過期而不葬。謂之緩。春秋皆譏之。元經禮典本春秋。太傅駿執謂曰。楊駿也。胡不書姓。曰。貶也。曷貶爾。曰。駿爲太傅。受先帝遺詔輔政。百官總已。不能效伊霍之忠。稔成賈后之惡。管室禍階。實自駿始。故去姓以罰其罪惡之深也。書太傅。責官重也。元經貶惡。其義權衡輕重。各有所存。是以有書名而去姓者。有書姓名而去官者。前後別例各不同。傳釋之詳矣。廣陵王遙。惠帝子也。立爲皇子。正也。何劭爲太子師。王戎爲太子輔。楊濟爲太子保。同書之。謹其職也。裴楷。和嶠。裴華。衛瓘。皆爲保傅。不書。會文。石鑿爲太尉。隴西王司馬泰爲司空。書三公。得其人也。鑿。字林伯。太康末。拜司空。武帝晏駕。楊駿疑汝南王亮。白太后詔鑿率固陵兵討之。鑿獨不然。遣人視亮。別道歸許昌。駿疑乃止。時論稱鑿不以權臣誣害宗室。正也。司馬泰。字子舒。遷太尉。錄尙書事。雖爲宰輔。服膳如布衣。任眞簡率。每朝會。不識者不

知是王公事親恭謹居喪哀戚爲宗室儀表當時以節制見稱餘王莫能比同書者王公得賢也元經凡書姓名及稱官者皆無貶元經始事也下文書薨蓋終其善也有不書薨者則有職焉屯兵四出何曰楊駿輔政慮他變乃遣石崇胡奕趙俊趙歡將屯兵四出以示威也不書遣不由帝也戎兵國之大事書兵而不書人不稱詔遣者政由臣下出也兵出無名此義微而顯

〔經〕太熙二年春帝正月乙酉改元永平又改元康自太熙改永熙共一年耳太熙二年又改元康一年三改非禮也故經止書太熙二年而已三月中書令和嶠卒辛卯賈氏殺楊駿夷三族壬辰賈氏廢皇太后壬寅汝南王亮爲太宰夏五月甲戌毘陵王軌薨無傳按元楊后生悼王軌字正則惠帝同母弟也壬午賜天下孝悌高年鰥寡力田者帛六月賈后殺汝南王亮及太保衛瓘乙酉曲赦洛陽秋七月置江州冬十二月辛酉京師地震秦王東薨無傳按秦獻王東字宏度惠帝同母弟也傷駿舅氏誅滅乃述武帝遺旨乞歸藩至汝南王亮楚王瑋被誅時稱東有先諱

傳曰武帝崩未踰年而改元非禮也君子謂遠春秋未踰年不書卽位之義故書太熙二年正月失也和嶠字長輿世爲魏大臣襲爵上蔡伯以平吳功轉侍中見太子不慧因侍坐曰皇太子恐不了陛下家事荀勗荀勗皆稱太子明識嶠曰聖質如初爾武帝不悅然知其言忠後惠帝立賈后使帝問嶠曰不了家事今定云何嶠曰臣事先帝曾有斯言言之不效國之福也至是卒世稱其先見書官以辛善其終也官未至三公不書薨賈氏殺楊駿賈氏不稱皇后駿不稱官兩貶之也曷謂兩貶曰駿以后黨權傾天下早不能圖賈后而賈后與黃門董猛連兵討駿駿逃于馬廐以戟殺之曰此夷三族不稱官與

無官同也。不稱后，不與其爲后也。賈氏廢皇太后者，何曰悼后，駿女也。駿既誅，及矯詔廢悼后爲庶人，徙金墉城，稱賈氏，不與其爲后，元經之權也。汝南王亮爲太宰，言自爲也。附賈后，將取禍也。爲六月賈后復殺亮，張本。漢制，賜孝悌力田等帛，且曰孝悌吏民之師也，力田生民之本也。高年鰥寡者，亦闕恤之，皆古道也。書之存舊典也，非賈后事也。賈后殺汝南王亮及其太保衛瓘，春秋之法，大臣相殺死，凡稱名，所以示殺者之罪。若王子紉殺毛伯，召伯是也。苟死者無罪，則書名氏。若晉殺其大夫陽處父是也。今稱賈氏罪殺者之惡也。衛瓘，稱官，傷忠臣也。曲赦非古也。賈氏使楚王瑋殺亮及瓘，又歸罪於瑋而殺之，故曲赦洛陽，懼瑋黨有變焉。殺楚王瑋不書，云瑋附賈七月，后害骨肉，大不足取也。分揚州、荊州十郡爲江州，記始置也。用本史舊文，記其始置，無褒貶。京兆地震，案本志，謂楚王瑋殺汝南王及太保，此陰道盛，陽道微之應也。劉向曰：地震，金木水火土診也。伯陽甫云：天地之氣不過其序，若過序則氣亂也。陽伏而不能出，陰迫而不能升，於是地變。

〔經〕元康二年春，帝正月，太熙二年，即元康元年也。故此爲二年。二月巳酉，賈庶人弑太后於金墉城。夏四月，秋八月壬子，大赦逆黨。冬十一月，沛國雨雹，傷麥。

傳曰：正月雖無事，必書首月，春秋之法也。賈庶人孰謂曰賈后也。曷謂先稱庶人曰賈后，既誅楊駿，宣言太后同逆，廢于金墉城，絕膳而崩。經書曰：庶人殺太后，貶大惡也。是時未廢爲庶人，先貶之者，不與其稱后也。春秋之法，凡殺君稱君名者，君無過稱臣名者，臣之罪也。賈氏以婦殺姑，以邪賊正也。太后賈之姑也，故書弑。傳言惠帝不慧，致弑其母，其惡同。大赦逆黨者，何賈后懼國人討賊，故赦以安逆黨之

心春秋莊公經書肆大眚。然後葬文姜。董文姜預弑桓之惡。仲尼謂子道不可略毋葬。故特書肆大眚。然後葬文姜。子道掩親之惡也。賈氏則不然。自赦其黨。託名渙汗。君子不與其赦也。故特書曰。大赦逆黨。本史云。王子大敗。仲尼特書逆黨。雨雹傷麥。紀災異也。春秋公子途專任而經書雨雹。按董仲舒曰。紀雹者。皆謂有背行專政者也。

〔經〕元康三年春。帝正月。天西北裂。夏四月。雨雹。深三尺。冬十月。大原王泓薨。作互市。皇太子納妃王氏。祕書監華嶠卒。

傳曰。天裂者何。本志謂陽不足也。人主替。妃后專政之應也。榮陽宏農。皆雨雹深三尺。非常雹也。異執甚焉。本志謂惠帝無陽。爲陰所蔽之罰也。春秋魯桓夫人同其應矣。左傳曰。大雨雹。書災也。易謂互市曰。公卿賄賂交通。更相薦託。有如市易焉。作者言惠帝自作之爾。曷惠帝嗜。太子通。納王夷甫女爲妃。凡帝子婚曰納。帝女嫁曰降。納者獻乎上。降者適乎下。華嶠者。武帝碩臣也。太康末。帝宴樂屬疾。嶠諫曰。收功於微忽。事乃無悔。慮禍於垂成。祚乃日新。手詔答曰。朕自消息無慮也。惠帝立。遷祕書監。博聞多識。有良史之稱。卒諡曰簡。嶠。字叔駿。以從漢紀纂。乃偏觀祕籍。起光武。終獻帝。一百九十五年。爲紀十二卷。皇后紀二卷。十典十卷。列傳七十卷。嶠謂皇后配天作合。前史作外戚傳非也。故易爲皇后紀。又改十志爲典。取典墳之義。明堂辟雍。置都水修置官。行於世。書官貴之也。

〔經〕元康四年春。帝正月。丁酉。太尉石鑿薨。夏五月。匈奴攻上黨。六月。壽春地震。民死。秋八月。匈奴以計內附。上谷。庸。竄地陷。帝問蛙鳴。無傳。按本史。帝林闕蛙鳴。帝問曰。爲官乎。爲私乎。其愚類如此夫。九月甲

午。枉矢竟天。冬十月。

傳曰：太尉石鑿莧，書官善其終也。按本史：鑿年八十，莧曰：元子莧封縣侯。匈奴者何？曰：郝散敗曰：撒。自漢魏已來，世爲中國患。魏武帝能制御羣胡爲五部，左部居太原，茲氏，右部居口，祁，南部居蒲子，北部居新興，中部居太陵，至晉武帝時，塞外匈奴二萬餘歸附，使居河西宜陽。太始七年，單于猛叛。太始，晉武初受命年號。帝討平之，厥後稍叛，復害長史。時御史大夫郭欽上疏曰：請募敢死及罪人，徙三河，控四夷，出入之防，明先王荒服之制，帝不納。太康中，匈奴十九種內附，各分部落居之，有屠各種者，得爲單于，有王號者十六等。曰：左右賢王，太子爲之，餘四姓曰：呼延氏，卜氏，蘭氏，喬氏，呼延號曰：逐世，爲輔相。其國民則有纂母氏，勒氏者，多反叛。至是，匈奴郝散叛，寇上黨，殺長史，又寇上郡。郝散弟曰：虔元，又率羌胡攻破上郡。自此匈奴漸盛，而中原危矣。經書：匈奴不名者，言其多難也。稱攻不書寇者，言鳴鐘鼓而來，無所憚也。傳言不用郭欽計。壽春地震，民有死者，言災甚也。按本史：是歲，涼州及郡國皆地震。秋八月，匈奴郝散帥衆降，馮翊都尉殺之。書曰：以計內附者何？曰：匈奴本不附，蓋僞降，欲爲鈔掠。旣爲都尉所殺，而郝散之弟虔元，收合餘衆，復起邊患。傳謂六年，改元攻馮翊，起虔元，歐陽達，張本。書曰：以計言多詐，不可以信結也。可以兵制而已。軍制凡無故而請和者，詐也。地陷者，山崩震裂而陷，蓋陽伏而不能出，陰迫而不能升也。春秋僖十四年，沙鹿崩，卜偃以謂：祿年將有大咎，幾亡國。今上谷上庸並陷，裂水泉湧出，人有死者，天戒若曰：陰不陰，斯譴罰之漸乎。陰不陰，則地有災異。枉矢，曷謂曰：星如流矢也。星經云：枉矢所觸，天下所伐也。甲午，枉矢竟天。自西南流東北，坤不利東北，其賈后之亂乎。地爲后之象。

〔經〕元康五年春。帝正月。書首月。夏四月。有彗孛於奎軒轅。秋九月。鴈門大風傷稼。冬十月。武庫火。十二月。調兵器。司隸傅咸卒。有石生京師。無傳。

傳曰。彗者。如帚彗也。孛。如芒散貌也。本志謂奎爲庫兵。軒轅爲后宮。賈后將廢之兆。凡經書星變者。紀異以戒人修德也。其間或有應驗。亦有不應者。天道遠也。大風由鴈門。風自北來也。胡戎來窺中國失道。猶夏之象也。洪範云。霧常風若。霧。聚也。武庫火。累代之寶皆焚。謂孔子履。漢臨劍之類。時廢在武庫。皆焚之。春秋凡天火曰災。人火曰火。武庫火者。有盜焚之爾。不獲盜焉。調兵器者。丙戌新作武庫。大調兵器。曷謂不書新作武庫。曰。譏失政也。何謂失政。夫武備中國大政也。周禮大司馬掌邦之政。以詰禁刑亂故也。盜焚之不能討賊。雖新作無所益也。故書兵器而已。不書作武庫。言中國武備弛矣。終有羣胡亂華之禍。傅咸者。司隸元之子也。剛簡峻整。有父風。出爲冀州刺史。繼母杜氏不肯隨。咸自表解冀州。乃遷司徒左長史。便其親也。楊駿輔政。咸言於駿曰。天下聽於冢宰。大懼天光有蔽。人心或異。今若此而明公處之。未爲易也。時司隸荀愷有兄喪。自表赴哀。詔未報而愷私造楊駿而行。咸奏曰。詔未下而行。宜加顯貶。駿甚憚之。遷御史中丞。致書汝南王亮曰。楊駿見誅。孟觀。李肇。封數千戶侯。自古封賞無若此者。今後莫不樂國有禍。其可極乎。不納。亮果如駿見誅。後爲司隸。奏僕射王戎。備位公輔。兼掌選舉。不能凝庶績。但開張奔競。不能康正。請免戎官。吳郡顧榮聞之曰。傅長虞爲司隸。勁直忠果。所可貴也。書司隸卒。重世卿也。春秋實重世卿亦如此。

〔經〕元康六年春。下邳王晃薨。三月。彭城有流血三百餘步。夏四月。大風。五月。匈奴攻北地。殺太守。秋七

月。氏賊僭稱帝。冬十一月。命周處討氏賊。關中饑。大疫。

傳曰。下邳王晃。宣帝弟。孚之子也。孝友貞廉。有宗室之望。惠帝卽位。晃領護軍屯東掖。又誅楊駿有功。作司空。薨于位。旣而張華代之。不書張華。華備位而已。不繼賢王。故不書代。爲八年台屋折。以明三公不才。張本。彭城呂縣流血三百餘步。本志謂視之不明。火不炎上。則有赤青赤祥。又彭城下邳。獻王所治之國也。入爲司空。旣而遽殞。彭城失望之象也。流血傷痛也。四月大風。言天下皆然也。故不書地。不書鄆國所在。先志謂巽爲風。爲木。其卦在三月。四月。繼陽而治。今四月大風。常多且暴。陽失其治也。劉向亦云然。匈奴殺太守者何曰。郝散之弟度元。攻北地。太守張瑱戰死之。匈奴不名。衆也。太守不名氏。微也。曷謂微則不書曰。郡守失其才。爲匈奴所殺。故微之。氏賊者。執謂曰。秦雍氏。斃齊萬年也。先是雍州刺史解意。爲匈奴度元所破。於是氏羗帥齊萬年叛。僭稱帝。圍涇陽。萬年不書名。言賊不足名也。曷謂不書圍涇陽曰。罪莫大乎僭號也。貶大惡。餘惡無所書可也。周處者。爲建威將軍。詔討齊萬年。稟梁王彤節制。書人不書官者何曰。元經之法。人名重。官任輕。則書人。以明人賢任卑也。書官不書人者。不賢也。有書人則因舊史。常制無所輕重矣。元經權衡。義例差別。臨文示意。在乎官不必備。惟得賢而已。或人稱職。官稱任。則官與人皆書之。或官濫於庸人。賢失於所任。則書人不書官。不書人。不書官。意有重有輕。以譏失道焉耳。周處賢將也。受制於梁王彤。進止不得專。智勇不得用。故君子重其人。不書官。言官輕也。關中饑疫。責凶荒不恤也。梁王彤爲征西大將軍。都督雍梁二州。鎮關中。民饑不能貸。民疫不能卹。彤之罪也。故書關中饑疫。以責都督之罪由彤也。梁王彤。永康二年薨。博士

臧隆曰彤。爲宰輔。實深任重。惑懷之廢。不聞一實陳區。汝南之難。不能因勢轉輸。趙王倫篡逆。不能引身去位。竟宋有藩氏之亂。華元自謂不能居官。吾罪大矣。靈彤不貶。何以施法。按臧隆法不勸成名曰靈。春秋譏華元。樂舉。謂之不已。乃隆曰靈。彤罪如此。

〔經〕元康七年春正月癸丑梁王彤陷王師殺周處夏五月魯國雨雹無傳秋七月雍梁隕霜殺稼丁丑司徒王渾薨冬十月

傳曰陷王師殺周處何謂曰去年遣周處討齊萬年。至是戰于六陌。梁王彤與處有隙。促令進軍。絕其後不救。遂爲賊所敗。初萬年聞處來。謂賊衆曰。吾聞斯人才兼文武。若專斷而來。不可當也。受制於人。則成擒爾。旣而賊屯梁山。有衆七萬。彤促處領兵五千擊之于六陌。自旦至暮。斬賊萬計。救兵不至。處按劍曰。吾盡忠竭節之秋也。遂力戰歿。書曰。陷王師以彤不忠於國也。又書殺周處。以彤私隙害賢人。故書彤陷殺之爾。傳言晉喪由賊實爲始。隕霜殺秋稼。關中米斛萬錢。骨肉相賣。災甚也。春秋書隕霜不殺草。尙謂天反時爲災。而況秋霜殺稼。災可知矣。王渾執謂曰。渾字元冲。魏司空昶之子。平吳有大功。江東士人悅附之。楚王璋將害汝南王亮。先請渾同乘。渾閉閣拒之。後璋伏誅。渾乃出。凡國政典。故多渾所定。書官以薨貴之也。渾先知晉室亂。乃謂賢王宜留居京師。遂上書。帝不納。又上言。舊制三朝元會。問計吏以助國政化。時以爲便。王戎代渾爲司徒。不書。貶戎不足以繼渾之賢也。故不書。

〔經〕元康八年春正月丙辰地震詔發倉廩賑關中三月壬戌大赦夏五月郊讎石破爲二秋九月劉下廢賈后不克冬十月

傳曰地震書日者日官謹天戒也春秋文公九年九月癸酉地震公羊傳曰震者地動也言文公制於公子遂齊晉失道四方叛德也穀梁傳曰地不震者也地以不震動爲坤靜之德震則謹而日之象大臣強盛動而爲變焉謂賈后強盛將廢太子適之象也坤·臣道也·妻道也·昭賑關中書詔者得其詔也傳言民饑不賑則附不附矣壬戌大赦者曰梁王彤專政殺周處氏薨未平故肆赦因以自有爲明年彤錄尙書事入輔賈后張本郊禱者何曰求世嗣之神也在郊故曰郊禱或曰高禘本志謂禱之壇石中裂破爲二木涉金之象也壇石神位自毀者愍懷太子不利之兆謂明年賈后廢太子適之兆劉卞者執謂曰愍懷太子衝率也卞潛知賈后欲廢太子乃告司空張華曰東宮俊彥如林四率精兵萬數公居阿衡廢賈后以安晉祚可乎華不能故書曰劉卞廢賈后褒忠於晉祚也不克者貶華不能行也春秋以一字褒貶須數字以成文元經大義於是深矣

〔經〕元康九年春帝正月將軍孟觀伐氐大破之獲賊萬年梁王彤錄尙書事河間王顥出鎮關中成都王穎出鎮鄴夏四月鄴賊張承基伏誅六月戊戌高密王泰薨秋八月尙書裴頠爲僕射冬十一月甲子朔日有食之十二月壬戌賈庶人殺太子及其母謝太后

傳曰孟觀者爲積弩將軍時齊萬年衆號數十萬觀領宿衛兵并統軍中士卒大戰十數皆破之生擒萬年獻捷京師書將軍言官得人也萬年不齊姓志在族滅逆黨也梁王彤錄尙書阿賈后也阿賈后賈顯太子河間王顥者安平王孚之孫先朝之制非親王不得都督關中顥於諸王最疎然特以賢舉也書出者內出外爲文賈后忌顯賢示以重鎮其實出之耳成郡王穎武帝第十六子於帝最親先是